

# Betg impussibel, dentant fitg delicat

■ (rtr) **Fabritgar a Val la pli gronda tur da l'Europa, quai è la finamira ambiziussa da Remo Stoffel e Pius Truffer. Per construir il bajetg da 381 meters autezza, è tenor il geolog Peter Hartmann ina construcziun sin pitgas en la terra fitg probabel la suletta pussaivladad.**

Quellas pitgas ston star sin in ferm funs sut terra: vul dir sin il grip da plattamorta ch'è tranter 50 e 60 meters sut il terren. Perfuradas en questa zona èn dentant delicatas a far, sco quai che las ret-

schertgas dal schurnal regional dal Grischun da radio SRF mussan. Il 1996 aveva il geolog Peter Hartmann e sia equipa fatg in'emprouva da furar gest sut la terra. Tutenina vegnivan 600 liters aua per minuta or da la rusna. El medem mument era il volumen che vegniva or da la funtauna d'aua minerala in zic pli ensi sa diminuì per 20%. Ins aveva duvrà 70 tonnas cement per emplenir la rusna da la furada per fermar l'aua. Pir suener ter 3 mais era la situaziun puspè stabila.